



O'ZBEKISTON RESPUBLIKASI
INVESTITSİYALAR, SANOAT VA SAVDO VAZIRLIGI

MINISTRY OF INVESTMENT, INDUSTRY AND TRADE
OF THE REPUBLIC OF UZBEKISTAN

24-aprel 2025-yildagi

03-21-4-3204-son

O'zbekiston Savdo sanoat palatasi

Xorazm viloyati hokimligi

*O'zbekiston Savdo sanoat palatasining
2025-yil 1-apreldagi 01-35-3573-son xatiga oid*

Investitsiyalar, sanoat va savdo vazirligi, "Avto Cat" MChJ tomonidan katalitik konvertorlarini (TIF TN kodi 7112920000) eksportiga litsenziya olish yuzasidan quyidagilarni ma'lum qiladi.

O'zbekiston Respublikasi Prezidentining 2017-yil 3-noyabrdagi "Maxsus turdagi tovarlar eksporti va importini litsenziyalash, shuningdek eksport kontraktlarini ro'yxatga olish va import kontraktlarini ekspertizadan o'tkazishni tartibga solish chora-tadbirlari to'g'risida"gi PF-5215-sonli Farmoniga asosan, kiritilgan maxsus turdagi tovarlar eksporti va importini litsenziyalash O'zbekiston Respublikasi Prezidenti yoki O'zbekiston Respublikasi Vazirlar Mahkamasining qarorlari asosida O'zbekiston Respublikasi Vazirlar Mahkamasining Investitsiyalar, eksport, savdo, qishloq va suv xo'jaligi masalalari kotibiyati tomonidan amalga oshiriladi.

Shu bilan birga, O'zbekiston Respublikasi Prezidentining 2024-yil 9-yanvardagi "Tadbirkorlik sohasida majburiy talablarni qisqartirish hamda litsenziyalash va ruxsat berish tartib-taomillarini soddalashtirish chora-tadbirlari to'g'risida"gi PF-8-son Farmoni ijrosini ta'minlash maqsadida Vazirlar Mahkamasining 2024-yil 13-iyuldagi 418-son qarori qabul qilingan bo'lib, mazkur qaror bilan Eksport nazorati obyektlarini olib chiqish uchun ruxsatnoma hamda Maxsus turdagi tovarlar eksporti va importi uchun litsenziyalar birlashtirilgan holda, Maxsus turdagi tovarlar eksporti va importi uchun ruxsatnoma joriy etilgan.

Shuningdek, davlat va xo'jalik boshqaruvi organlari, mahalliy davlat hokimiyati organlari tomonidan O'zbekiston Respublikasi Vazirlar Mahkamasiga kiritiladigan normativ-huquqiy hujjatlar loyihalarini tayyorlash, yuridik-texnik jihatdan rasmiylashtirish va huquqiy ekspertizadan o'tkazish tartibi to'g'risidagi Uslubiy ko'rsatmalariga muvofiq (*Adliya vazirligi tomonidan 2012-yil 9-aprelda 2352-son bilan ro'yxatdan o'tgan*) tuman (shahar) hokimlari, shuningdek mustaqil tashkilotlar (*bevosita ularning faoliyatiga taalluqli masalalar bo'yicha*) tomonidan ishlab chiqarilgan loyihalar, O'zbekiston Respublikasi Vazirlar Mahkamasiga tegishlilikicha davlat va

Savdo-sanoat palatasi

K/R: MB-1143

2025-yil 24-aprel

xo‘jalik boshqaruvi organlari rahbarlari, Qoraqalpog‘iston Respublikasi Vazirlar Kengashi Raisi, viloyatlar va Toshkent shahar hokimlari tomonidan kiritiladi.

Yuqoridagilardan kelib chiqib, “Avto Cat” MChJ tomonidan katalitik konvertorlari eksportiga litsenziya olish uchun Vazirlar Mahkamasining farmoyishi loyihasi Xorazm viloyati hokimligi tomonidan ishlab chiqilib, o‘rnatilgan tartibda kelishish uchun tegishli vazirlik va idoralarga kiritilishi maqsadga muvofiq.

Vazir o‘rinbosari



X. Teshabayev

Ijrochi: F. Nazarov
Tel.: 71) 238-50-00 (354)